



# SLUŽBENI GLASNIK

## OPĆINE BUŽIM

Godina XXVI - Broj 3	12. 02. 2021 BUŽIM	Izdanje na bosanskom jeziku
----------------------	-----------------------	--------------------------------

---

### OPĆINSKO VIJEĆE

43.

Na osnovu člana 66. Zakona o građevinskom zemljištu Federacije Bosne i Hercegovine („Službene novine Federacije Bosne i Hercegovine“, broj: 67/05), člana 42. stav 2. Odluke o građevinskom zemljištu („Službeni glasnik općine Bužim“, broj: 01/10) i člana 24. tačka 2. Statuta općine Bužim („Službeni glasnik općine Bužim“, broj: 12/15), i člana 118. Poslovnika o radu Općinskog vijeća općine Bužim („Službeni glasnik općine Bužim“, broj: 13/16), Općinsko vijeće općine Bužim, na III redovnoj sjednici održanoj dana, 10.02.2021. god., **donosi:**

### ODLUKU

**o utvrđivanju bazne cijene kao osnovice za obračun naknade za uređenje građevinskog zemljišta za 2021. godinu na područje općine Bužim**

#### Član 1.

Ovom Odlukom utvrđuje se visina bazne cijene kao osnovica za obračun naknade uređenje građevinskog zemljišta i to za zemljišta za koja nije utvrđen stvarni trošak pripremanja i opremanja

prema programu uređenja građevinskog zemljišta na području općine Bužim.

#### Član 2.

Bazna cijena kao osnovica za obračun naknade za uređenje građevinskog zemljišta iz člana 1. ove Odluke utvrđuje se u iznosu od: 55,00 KM

#### Član 3.

Ova odluka stupa na snagu danom donošenja, a objavit će se u Službenom glasniku općine Bužim, u slučaju da se nova Odluka za 2022-u godinu ne donese do 31.03.2022 i dalje se primjenjuje ova Odluka sve do donošenja nove Odluke.

Broj: 01-19-426/21                      PREDSJEDAVAJUĆI

Bužim, 10.02.2021                      OPĆINSKOG VIJEĆA

**Suvad Šahinović, s.r.**

#### 44.

Na osnovu člana 13. stav 2. Zakona o principima lokalne samouprave u Federaciji BiH («Službene novine Federacije BiH, broj: 49/06»), člana 24. stav 1. tačka 2. i 14. Statuta općine Bužim («Službeni glasnik općine Bužim» broj: 12/15), člana 13. Odluke o javnim općinskim priznanjima («Službeni glasnik općine Bužim», broj: 11/08 i 15/09), Općinsko vijeće općine Bužim, na prijedlog Komisije za odlikovanje i općinska priznanja općine Bužim, na III redovnoj sjednici, održanoj dana 10.02.2021. godine, **usvojilo je:**

### O D L U K U

#### o dodjeli javnih općinskih priznanja

#### Član 1.

Ovom Odlukom dodjeljuju se javna općinska priznanja za 2020.godinu, i to:

#### I PLAKETA S GRBOM OPĆINE BUŽIM «NAGRADA 20. FEBRUAR»

dodjeljuje se:

„STOLARIJA IČANOVIĆ“ D.O.O BUŽIM

#### II POVELJA O PROGLAŠENJU POČASNIM GRAĐANINOM OPĆINE BUŽIM,

ČLAN PREDSJEDNIŠTVA BIH - ŠEFIK DŽAFEROVIĆ

#### III PLAKETA OPĆINE BUŽIM ZA ŽIVOTNO DJELO

dodjeljuje se:

1. HUSE (SELIM) HASKIĆ
2. MEHO (HUSEIN) VELADŽIĆ -HAMZA
3. ESAD MULALIĆ
4. CRVENI KRIŽ OPĆINE BUŽIM
5. JAVNO PREDUZEĆE CESTE F BIH D.O.O SARAJEVO

#### III « ZAHVALNICA OPĆINE BUŽIM »

dodjeljuje se:

1. MIRALIM MAKIĆ
2. OSMAN BAJREKTAREVIĆ
3. ŠEFKET BEGOVIĆ
4. HUSNIJA DIZDAREVIĆ
5. SENAD KAUKOVIĆ

#### Član 2.

Odluka stupa na snagu danom donošenja, a objavit će se u Službenom glasniku općine Bužim.

#### OBRAZLOŽENJE

Komisija za dodjelu javnih općinskih priznanja općine Bužim, nakon razmatranja pristiglih inicijativa od strane građana, udruženja, mjesnih zajednica, privrednih društava, ustanova i drugih pravnih lica i organizacija, klubova vijećnika, političkih stranaka i Općinskog načelnika, dostavljenih po javnom Obavještenju o kriterijima

za predlaganje kandidata za dodjelu općinskih javnih priznanja objavljenom na WEB stranici Općine Bužim i WEB stranici JU Centar za kulturu, sport i informisanje Bužim, dana 26.01.2021. godine, a zatvorenom 02.02.2021.godine, utvrdila je prijedlog Odluke za dodjelu javnih općinskih priznanja za 2020.godinu, te dostavila istu Općinskom vijeću na razmatranje i usvajanje.

Prilikom pregleda prispjelih prijedloga za općinska javna priznanja Komisija je utvrdila da je ukupno predloženo 26 prijedloga za općinska javna priznanja za 2020.godinu, od toga 1 prijedloga za nagradu „20 FEBRUAR“, 2 prijedloga za nagradu „POČASNI GRAĐANIN OPĆINE BUŽIM, 9 prijedloga za nagradu „PLAKETA OPĆINE BUŽIM“ i 13 prijedloga za nagradu „ZAHVALNICA“.

Na osnovu Odluke o općinskim priznanjima i postupku njihove dodjele («Službeni glasnik općine Bužim», broj:10/18), Općinsko vijeće na prijedlog Komisije za odlikovanja i općinska priznanja, u skladu sa utvrđenim kriterijima može u jednoj godini dodjeliti slijedeća općinska priznanja:

1. Plaketa s grbom Općine Bužim - „NAGRADA 20.FEBRUAR“, - jedna nagrada,
2. Povelja o proglašenju počasnim građaninom/građankom općine Bužim, - jedna nagrada,
3. Plaketa Općine Bužim za životno djelo, - pet nagrada,
4. Zahvalnica Općine Bužim, - pet nagrada.

Komisija je nakon razmatranja svih pristiglih prijedloga i utvrđenih kriterija jednoglasno predložila da se općinska javna priznanja za 2020.godinu dodjele, i to:

1. Plaketa s grbom Općine Bužim „NAGRADA 20. FEBRUAR“ dodjeljuje se:

Firma „Stolarija Ičanović“ d.o.o Bužim - za doprinos u razvoju privrede na području općine Bužim.

Firma „Stolarija Ičanović“ d.o.o Bužim u vlasništvu Mehmeda Ičanovića- Memo. Na tržištu postoji već

nekoliko godina, a njen razvojni put od male stolarske radnje u Bužimu do vrlo prepoznatljive firme na Unsko-sanskom kantonu i šire, poznat je po kvalitetu i širokom asortimanu proizvoda koje ova firma nudi. Prepoznatljiva po visokokvalitetnim proizvodima izrađenim od drveta, asortiman firme „Stolarija Ičanović“ svoje kupce je pronašao na tržištu Bosne i Hercegovine ali i inostranstva gdje ova firma izvozi 70% svojih proizvoda. Djelatnosti firme su proizvodnja, prodaja i montaža različitih drvnih elemenata. Dugogodišnje iskustvo koje stoji iza vrijednih uposlenika „Stolarije Ičanović“ stavlja ih u red eksperata za izradu sobnih vrata svih dimenzija i različitih dizajnerskih rješenja. Stručni tim firme ispunjava sve individualne zahtjeve i nudi rješenja za ugodnost i prepoznatljivost vašeg doma. Pored standardne izrade i ponude različitih sobnih vrata „Stolarija Ičanović“ ponudit će vam uređenje vašeg poslovnog ili stambenog prostora od različitih vrsta drveta i furnira uz bojenje visokokvalitetnim poliuretanskim lakovima. Ova mala, ali svojim obimom posla velika, firma trenutno zapošljava osamnaest radnika. S obzirom na sve veću potražnju različitih proizvodnih i ugradbenih elemenata firma planira i nova upošljavanja. Neosporno, kvalitet je učinio svoje i firmu „Stolarija Ičanović“ plasirao u sami vrh branše u kojoj posluje. Dokaz za ove tvrdnje nije teško pronaći jer će vam mnogi zadovoljni klijenti upravo preporučiti „Stolariju Ičanović“ kao pravi i jedini izbor. „Stolarija Ičanović“ poznata je i po svom društvenom angažmanu. Rukovodstvo firme redovno učestvuje u brojnim humanitarnim akcijama koje imaju za cilj životno zbrinjavanje sugrađana kojima je pomoć potrebna. Ulazna i sobna vrata, prozori i ostali ugradbeni dijelovi samo su neki od elemenata koje je ova firma donirala tokom različitih humanitarnih aktivnosti.

POVELJA O PROGLAŠENJU POČASNIM GRAĐANINOM OPĆINE BUŽIM, dodjeljuje se:

Član Predsjedništva Bosne i Hercegovine Šefik Džaferović - bošnjački bosanskohercegovački pravnik i političar, trenutno je član Predsjedništva Bosne i Hercegovine (BiH) iz reda bošnjačkog naroda. Rođen je 9. septembra 1957. godine u selu Brezik kod Zavidovića. Dokazani prijatelj svih

Bužimljanki i Bužimljana. Za razvoj i opći napredak općine Bužim i države BiH. Snažno podupirao da dođe u što skorije vrijeme do izgradnje trga „Alija Izetbegović“, jer Bužimljani koji su dali veliku žrtvu i doprinos u odbrani BiH to zaslužuju.

Svi građani općine Bužim svjedoci su da je izgrađen jedan od najvećih infrastrukturnih projekata u posljednjih deset godina na području općine Bužim. Trg koji nosi naziv prvog predsjednika Predsjedništva Republike Bosne i Hercegovine Alije Izetbegovića zasigurno je mjesto za okupljanje i druženje svih Bužimljana te svi onih koji dolaze u naš Ponosni i Viteški grad Bužim. Sa zadovoljstvom možemo kazati da je općina Bužim u 2020. godini i za druge infrastrukturne projekte na području cijele općine Bužim obezbijedila uz podršku člana Predsjedništva BiH, koji je zaista prepoznao potrebu naše lokalne zajednice i na taj način učinio je ljepšom, boljom i svakako prosperitetnijom.

„PLAKETA OPĆINE BUŽIM“ - dodjeljuje se:

1. HUSE (SELIM) HASKIĆ: za sveukupan doprinos u odbrambeno-oslobodilačkom ratu u periodu 92-95, u odbrani Bosne i Hercegovine i općine Bužim. Dodijeljeno mu je najviše ratno priznanje značka „Zlatni ljiljan“. Više puta je pohvaljivan i nagrađivan od strane komandanta bataljona i komandantna brigade.

2. MEHO (HUSEIN) VELADŽIĆ -HAMZA: za sveukupan doprinos u odbrambeno-oslobodilačkom ratu u periodu 92-95, u odbrani Bosne i Hercegovine i općine Bužim. Dodijeljeno mu je najviše ratno priznanje značka „Zlatni ljiljan“.

3. ESAD MULALIĆ : za materijalni doprinos u razvoju protivpožarne zaštite na području općine Bužim. Vlastitim sredstvima u iznos od 14.000,00 KM u R.Sloveniji izvršio nabavku vatrogasne cisterne, te opremio vatrogasno vozilo sa neophodnom vatrogasnom pratećom opremom za koju imenovani nije iskazivao vrijednost i kao donaciju bez ikakve naknade donirao i ustupio općini Bužim. Na ovaj način povećana je sigurnost u zaštiti imovine građana od požara. Redovno učestvuje u brojnim humanitarnim akcijama koje imaju za cilj životno zbrinjavanje sugrađana kojima je pomoć potrebna, kao i sportskim akcijama

odnosno obezbjeđivanja sportske i prateće opreme za najstariji sportski kolektiv na području općine Bužim NK „Vitez“ Bužim.

4. CRVENI KRIŽ OPĆINE BUŽIM: zbog dobrovoljne akcije darivanja krvi i učešća u humanitarnim akcijama koje su organizovali u vrijeme pandemije corana virus. U toku godine Crveni Križ Općine Bužim prikupi oko 250 boca krvi. U proteklim godinama na području općine Bužim kroz redovne i vanredne akcije prikupljeno preko 2.800 doza krvi.

5. JAVNO PREDUZEĆE CESTE FEDERACIJE BIH D.O.O. SARAJEVO: za realizaciju infrastrukturnih projekata na području općine Bužim i to: riješeni imovinsko-pravni odnosi za eksproprijaciju zemljišta na kompletnoj dionici zaobilaznice na potezu Osnovna škola Bužim – Auto-Kontakt, te je građanima Bužima za eksproprijaciju zemljišta na kompletnoj dionici zaobilaznice isplaćeno skoro 1 milion konvertibilnih maraka od strane JP Ceste Federacije BiH. Pored navedenog završen je još jedan infrastrukturni projekat u samom centru čaršije, a radi se o rekonstrukciji saobraćajnice – kružni tok koji je sastavni dio trga „Alija Izetbegović“, čijom izgradnjom je izmijenjena slika užeg gradskog središta. Vrijednost završenog infrastrukturnog projekta je 1.335.658,00 KM.

„ZAHVALNICA OPĆINE BUŽIM“ dodjeljuje se:

1. MIRALIM MAKIĆ: predsjednik mjesne zajednice Bag koji je društveno aktivan u mjesnoj zajednici iz koje dolazi, te je pokretač i učesnik mnogih projekata na području općine Bužim. Također, poznat je i kao pokretač i učesnik mnogih humanitarnih akcija koje su se sprovodile na području općine Bužim i šire.

2. OSMAN BAJREKTAREVIĆ: Bio pripadnik Dobrovoljnog vatrogasnog društva Mustafica Akif iz Bužima, kasnije preregistracijom u DVD Bužim od 1996. godine do 24.05.2001. godine od kada je vatrogasac-vozač stalno zaposlen u Općinskom organu uprave općine Bužim do penzionisanja 30.03.2020. godine. Poslove dobrovoljnog vatrogasca i poslove profesionalnog vatrogasca obavljao je savjesno, moralno i profesionalno. Kao vatrogasac bio je realizator mnogih inovativnih

rješenja u poboljšanju protivpožarne zaštite od čega izdvajamo montaža bočnih vitlova na vatrogasnoj cisterni, održavanja prenosne pumpe na vatrogasnoj cisterni, kompletna priprema i lakiranje vatrogasne cisterne. U periodu od 1996. godine održavao i servisirao vatrogasno vozilo općine Bužim bez bilo kakvih naknada. Kao penzioner za vrijeme izbijanja korona virusa patentirao i svojim sredstvima izradio uređaj za dezinfekciju vanjskih površina i isti bez naknade ustupio Službi za civilnu zaštitu i vatrogastvo, te je isti korišten za dezinfekciju javnih površina na području općine Bužim.

3. ŠEFKET BEGOVIĆ: za poseban doprinos u oblasti zdravstvene zaštite. Rođen 1957. godine u Varoškoj Rijeci, kao vozač sanitetskog vozila počeo raditi u Zdravstvenoj stanici Bužim pri Domu zdravlja Bos.Krupa, a nastavio 28.06.1995. godine u Domu zdravlja Bužim. Poslove vozača je obavljao savjesno, odgovorno i sa puno pažnje prema pacijentima.

4. HUSNIJA DIZDAREVIĆ: organizator, pokretač i učesnik mnogobrojnih infratsrukturnih projekata na području općine Bužim, prvenstveno u mjesnoj zajednici Čava. Učesnik mnogobrojnih humanitarnih i drugih akcija koje su od koristi društvenoj zajednici.

5. SENAD KAUKOVIĆ: za sveukupan doprinos u odbrambeno-oslobodilačkom ratu u periodu 92-95, u odbrani Bosne i Hercegovine i općine Bužim. Po izbijanju agresije na BiH zajedno sa grupom od 320 patriota napušta posao i dolazi na USK-a, gdje se uključuje u 105 BUMB, a kasnije 505. vitešku brogradu. Obavljao je niz komandnih dužnosti u brigadi. Od 2004. Godine penzionisan u čin kapetana.

Broj: 01-04-479/21                      PREDSJEDAVALAČU

Bužim, 10.02.2021                      OPĆINSKOG VIJEĆA

**Suvad Šahinović, s.r.**

#### 45.

Na osnovu člana 71. Statuta Općine Bužim (Službeni glasnik Općine Bužim broj 12/15) i člana 118. Poslovnika o radu Općinskog vijeća općine Bužim («Službeni glasnik općine Bužim», broj: 3/16) Općinsko vijeće Općine Bužim na III sjednici održanoj dana 10.02.2021. godine, **donijelo je:**

### **O D L U K U**

#### **o raspisivanju izbora za članove savjeta mjesnih zajednica i predsjednike mjesnih zajednica**

#### **DIO PRVI- OPĆE ODREDBE**

##### **Član 1.**

(Predmet)

Ovom Odlukom raspisuju se izbori za članove savjeta mjesnih zajednica i predsjednike mjesnih zajednica na području Općine Bužim, utvrđuje broj članova savjeta koji se bira, način provođenja izbora, vrijeme i mjesto održavanja izbora, organi za provođenje izbora, podnošenje prijedloga, postupak glasanja, brojanje glasova, posmatračići, objavljivanje i potvrđivanje rezultata izbora, mandat članova savjeta, sredstva za održavanje izbora i druga pitanja u vezi s izbornim procesom.

##### **Član 2.**

(Gramatička terminologija)

Gramatička terminologija korištenja muškog ili ženskog spola podrazumjeva uključivanje oba spola.

#### **DIO DRUGI- BROJ ČLANOVA SAVJETA, NAČIN PROVOĐENJA, VRIJEME I MJESTO**

##### **Član 3.**

(Broj članova savjeta)

U mjesnim zajednicama održat će se izbori za članove savjeta mjesnih zajednica i izabrati broj članova savjeta kako slijedi:

-----

r/b	Mjesna zajednica	Broj članova savjeta koji se bira
1.	Bag	7
2.	Brigovi	7
3.	Bučevci	7
4.	Bužim	13
5.	Čava	9
6.	Elkasova Rijeka	7
7.	Jusufovići	7
8.	Konjodor	11
9.	Lubarda	11
10.	Mrazovac	9
11.	Radoč	7
12.	Varoška Rijeka	11
13.	Vrhovska	7
14.	Zaradostovo	7

#### Član 4.

(Način provođenja izbora)

Članove savjeta mjesnih zajednica biraju građani na temelju općeg biračkog prava na neposrednim izborima, tajnim glasanjem.

#### Član 5.

(Vrijeme i mjesto održavanja izbora)

Izbori za članove savjeta i predsjednike mjesnih zajednica održat će se dana 06.06.2021. godine, u vremenu od 07-15 sati u prostorijama mjesnih zajednica, škola i drugim pogodnim prostorijama.

#### Član 6.

( Objavljivanje vremena i mjesta održavanja izbora)

Mjesto i vrijeme održavanja izbora objavit će se u sredstvima javnog informisanja, na oglasnoj tabli i web stranici Općine Bužim i na oglasnim tablama općine i mjesnih zajednica najkasnije u roku od 8 dana prije dana održavanja izbora.

### DIO TREĆI -ORGANI ZA PROVOĐENJE IZBORA

#### Član 7.

(Organi za provođenje izbora)

Organi za provođenje izbora su Komisija za provođenje izbora i birački odbori.

#### Član 8.

(Komisija za provođenje izbora)

(1) Komisiju za provođenje izbora imenuje Općinsko vijeće.

(2) U Komisiju za provođenje izbora imenuju se članovi iz reda Općinskog vijeća i reda državnih službenika i namještenika Općinskog organa uprave.

(3) Komisija za provođenje izbora organizuje i provodi izbore, utvrđuje konačne kandidatske liste, određuje biračka mjesta, koordinira aktivnosti u vezi sa provođenjem izbora, pruža stručnu pomoć biračkim odborima u procesu provođenja izbornih aktivnosti, vrši i nadzor nad radom biračkih odbora, daje upute i pojašnjava način glasanja, te nadzire primjenu Uputstva o načinu rada biračkih odbora.

#### Član 9.

(Imenovanje biračkih odbora)

(1) Općinsko vijeće imenuje biračke odbore za svaku mjesnu zajednicu na zajednički prijedlog Komisije za izbor i imenovanje, i to najkasnije u roku od 8 dana prije dana održavanja izbora.

(2) Birački odbor ima tri člana i tri zamjenika i to po jednog iz reda Općinski vijećnika, iz reda službenika i namještenika Općinskog organa uprave i iz reda građana mjesne zajednice.

(3) Članove biračkog odbora i zamjenike iz reda gradskih vijećnika predlaže Komisija za izbor i imenovanja, članove i zamjenike iz reda predstavnika mjesnih zajednica predlaže Komisija za lokalnu samoupravu, a članove i zamjenike iz reda službenika i namještenika Općinskog organa uprave Općine Bužim Općinski Načelnik.

(4) Član biračkog odbora iz reda Općinskog vijeća je predsjednik biračkog odbora.

(5) Rješenje o imenovanju članova biračkih odbora donosi Općinsko vijeće.

(6) Rješenje iz prethodnog stava dostavlja se svim subjektima koji učestvuju u postupku izbora, te objavljuje na web stranici Općine Bužim i oglasnim pločama mjesnih zajednica.

#### **Član 10.**

(Prava i obaveze biračkih odbora)

(1) Birački odbori neposredno rukovode postupkom provođenja izbora, osiguravaju pravilnost glasanja i evidentiraju rezultate glasanja za izbor članova savjeta mjesne zajednice.

(2) Svi članovi biračkog odbora i njihovi zamjenici moraju biti prisutni tokom cijelog procesa glasanja, uključujući utvrđivanje rezultata glasanja.

### **DIO ČETVRTI- PODNOŠENJE PRIJEDLOGA**

#### **Član 11.**

(Predlaganje kandidata za članove savjeta mjesne zajednice)

(1) Prijedlog kandidata za članove savjeta mjesne zajednice ( u daljem tekstu: kandidatske liste) mogu podnijeti: građani, organi političkih stranaka i druge organizacije i udruženja koja djeluju na području mjesnih zajednica, vodeći računa da predloženi kandidati imaju prebivalište na području mjesne zajednice.

(2) Ako građani podnose kandidatsku listu, prijedlog mora biti potpisan od najmanje deset građana sa područja mjesne zajednice upisanih u Centralni birački spisak.

(3) Građani, organi političkih stranaka i druge organizacije i udruženja koja djeluju na području mjesne zajednice u pravilu predlažu najviše onoliko kandidata koliko se bira članova savjeta. Ukoliko se predloži veći broj kandidata, na listu kandidata će se uvrstiti kandidati koji su prvi po redoslijedu predlaganja.

(4) Prilikom predlaganja kandidata za članove savjeta mjesnih zajednica mora se voditi računa da sastav kandidatske liste odražava približno

nacionalnu strukturu, zastupljenosti spolova i područja mjesne zajednice.

#### **Član 12.**

( Sadržina kandidatske liste)

(1) Kandidatska lista mora sadržavati naziv predlagača, redni broj, prezime, ime jednog od roditelja i ime kandidata, izjavu o prihvatanju kandidature i ovjeren potpis predlagača.

(2) Ako su građani predlagači, kandidatska lista mora sadržavati prezime, ime jednog od roditelja, ime, izjavu o prihvatanju kandidature za člana savjeta, JMB i potpis svih građana predlagača.

#### **Član 13.**

(Dostavljanje i provjera kandidatske liste )

(1) Prijedlog kandidata za članove savjeta mjesnih zajednica dostavlja se u pisanoj formi putem protokola Službi za opću upravu i društvene djelatnosti najkasnije u roku od 30 dana prije održavanja izbora.

(2) Služba za opću upravu i društvene djelatnosti provjerava kandidatske liste putem Centra za birački spisak i provjerene kandidatske liste dostavlja Komisiji za provođenje izbora.

#### **Član 14.**

(Utvrđivanje konačne kandidatske liste)

(1) Komisija za provođenje izbora utvrđuje konačnu kandidatsku listu za mjesne zajednice najkasnije u roku od 15 dana prije dana održavanja izbora.

(2) Kandidatura će biti odbijena ako predloženi kandidat nema prebivalište na području mjesne zajednice za koju se kandiduje i ako nije priložena pisana izjava o prihvatanju kandidature.

(3) Prijedlozi kandidata su na konačnoj kandidatskoj listi poredani po redoslijedu kojim su dostavljeni Službi za opću upravu i društvene djelatnosti.

#### **Član 15.**

( Forma i sadržina glasačkih listića)

(1) Glasanje se sprovodi putem glasačkih listića.

(2) Glasački listići su štampani na listovima papira A4 formata bijele boje, a na svaki listić otisnut je pečat Općinskog vijeća.

(3) Prijedlozi kandidata su na glasačkim listićima poredani po redosljedu kojim su utvrđeni na konačnoj kandidatskoj listi.

#### **Član 16.**

(Postupanje sa ovjerenim glasačkim listićima)

(1) Odštampani i ovjereni glasački listići čuvaju se u prostorijama Službe za opću upravu i društvene djelatnosti mjesnu samoupravu, u zatvorenim kovertama na kojima je pečat Općinskog vijeća.

(2) Birački odbori preuzimaju glasačke listiće na dan održavanja izbora zajedno sa obrascima za provođenje izbora (zapisnik i izvještaj).

#### **DIO PETI- POSTUPAK GLASANJA**

#### **Član 17.**

(Provjera izvoda iz Centralnog biračkog spiska)

(1) Za svakog građanina koji glasa vrši se provjera da li se nalazi na izvodu iz Centralnog biračkog spiska za biračko mjesto koje ulazi u sastav mjesne zajednice.

(2) Svaki građanin za kojeg se utvrdi da se ne nalazi na izvodu iz Centralnog biračkog spiska za biračko mjesto koje ulazi u sastav mjesne zajednice, uslijed promjene adrese stanovanja ili promjene naziva ulice ili kućnog broja moći će glasati na biračkom mjestu u sastavu mjesne zajednice kojoj pripada po mjestu prebivališta, uz predočenje potvrde o prebivalištu.

(3) Predsjednik ili član biračkog odbora utvrđuje identitet birača na osnovu važećeg ličnog dokumenta (lična karta, vozačka dozvola ili pasoš ).

#### **Član 18.**

(Isticanje konačne kandidatske liste)

U prostoriji u kojoj se obavlja glasanje na vidnom mjestu mora biti istaknuta konačna kandidatska lista.

#### **Član 19.**

(Postupak glasanja)

(1) Predsjednik ili član biračkog odbora utvrđuje da li je prisutni građanin upisan u Centralni birački spisak za biračko mjesto u mjesnoj zajednici u kojoj se sprovode izbori, te mu nakon toga daje glasački listić.

(2) Prilikom preuzimanja glasačkog listića, građanin se potpisuje na izvod iz Centralnog biračkog spiska pored svog imena.

(3) Građanin popunjava glasački listić u za to predviđenom prostoru.

(4) Glasanje se vrši i zaokruživanjem rednog broja ispred prezimena kandidata.

(5) Od svih predloženih kandidata, zaokružiti se može najviše onoliko kandidata koliko se bira članova savjeta za mjesnu zajednicu.

(6) Građanin lično stavlja presavijen glasački listić u glasačku kutiju.

#### **Član 20.**

(Održavanje reda na biračkom mjestu)

(1) Predsjednik biračkog odbora, zajedno sa ostalim članovima biračkog odbora, održava red na biračkom mjestu i njegovoj okolini.

(2) Ako se red na biračkom mjestu naruši, predsjednik biračkog odbora može zatražiti pomoć policije.

(3) Glasanje se prekida dok se na biračkom mjestu nalaze pripadnici policije.

(4) Predsjednik biračkog odbora može sa biračkog mjesta i njegove okoline udaljiti svako lice koje narušava red.

(5) Svako udaljavanje sa biračkog mjesta bit će zabilježeno u zapisnik o radu biračkog odbora.



### Član 21.

(Zapisnik o radu biračkog odbora)

(1) Tokom procesa glasanja vodi se zapisnik o radu biračkog odbora u koji se unose podaci o broju glasačkih listića, zapažanja o svim važnim događajima do kojih dođe na biračkom mjestu i drugi važni podaci.

(2) Prije početka glasanja, birački odbor u prisustvu građana će izložiti prazne glasačke kutije i zapečatiti ih, prebrojati i upisati u zapisnik ukupan broj birača za biračko mjesto na osnovu izvoda iz Centralnog biračkog spiska i prebrojati i upisati u zapisnik ukupan broj svih glasačkih listića koji su pripremljeni za to biračko mjesto.

### DIO ŠESTI- BROJANJE GLASOVA

#### Član 22.

(Postupak brojanja glasova)

(1) Birački odbor utvrđuje rezultate glasanja nakon završetka procesa tajnog glasanja.

(2) Brojanje glasova vrši se na mjestu glasanja.

(3) Brojanju glasova mogu prisustvovati i građani mjesne zajednice ukoliko ne remete proces brojanja.

(4) Birački odbor prvo broji neiskorištene i upropaštene glasačke listiće i stavlja ih u odvojene koverta, koje se nakon toga zapečate.

(5) Birački odbor nakon toga utvrđuje ukupan broj glasača koji su glasali na glasačkom mjestu i upisuje ove podatke u zapisnik.

(6) Birački odbor otvara glasačku kutiju, utvrđuje ukupan broj glasačkih listića u kutiji i upisuje u zapisnik.

(7) Birački odbor, zatim, utvrđuje broj važećih i broj nevažećih glasačkih listića.

(8) Birački odbor, nakon toga, pristupa utvrđivanju broja glasova za svakog kandidata pojedinačno.

(9) Glasajući listić iz koga se ne može utvrditi kako je građanin glasao, ili glasački listić na kojem su

dopisana imena kandidata, ili oznake na osnovu kojih se može utvrditi identitet birača, ili glasački listić na kojem je zaokruženo više kandidata nego što se bira u toj mjesnoj zajednici, smatra se nevažećim.

#### Član 23.

(Izveštaj o rezultatima glasanja)

(1) Nakon završetka postupka brojanja glasova, birački odbor u izvješ taj o rezultatima glasanja unosi sljedeće podatke:

- a) ukupan broj neiskorištenih glasačkih listića
- b) ukupan broj upropaštenih glasačkih listića
- c) ukupan broj glasača koji su glasali na glasačkom mjestu
- d) ukupan broj glasačkih listića u glasačkoj kutiji
- e) ukupan broj važećih glasačkih listića
- f) ukupan broj nevažećih glasačkih listića i
- g) ukupan broj glasova za svakog pojedinačnog kandidata na kandidatskoj listi

(2) Zapisnik o radu biračkog odbora i izvješ taj o rezultatima glasanja potpisuju svi članovi biračkog odbora.

### DIO ŠESTI- POSMATRAČI

#### Član 24.

(Predlaganje posmatrača)

(1) Izborni postupak mogu posmatrati ovlašteni posmatrači.

(2) Posmatrače predlažu predlagači lista kandidata, kao i druga zainteresirana lica, s tim da samo jedan posmatrač koji je predstavnik jednog predlagača može biti istovremeno prisutan na biračkom mjestu.

(3) Prijedlog posmatrača dostavlja se u pisanoj formi Službi za opću upravu i društvene djelatnosti i to najkasnije u roku od tri dana prije dana održavanja izbora.

(4) Komisija za provođenje izbora posmatračima izdaje službenu akreditaciju.

#### **Član 25.**

(Prava i obaveze posmatrača)

(1) Za vrijeme posmatranja izbornih aktivnosti posmatrači će nositi službene akreditacije i neće nositi bilo kakva obilježja ili oznake koje ih povezuju s određenom političkom strankom, predlagачem kandidata, kandidatskom listom ili kandidatom.

(2) Po dolasku na biračko mjesto, posmatrač je dužan predsjedniku biračkog odbora pokazati lični dokument.

(3) Predsjednik biračkog odbora će provjeriti da li se ime posmatrača nalazi na spisku posmatrača za tu mjesnu zajednicu, a zatim će u zapisnik o radu biračkog odbora upisati ime i prezime posmatrača i vrijeme kad je došao, kao i vrijeme kad je otišao.

(4) Predsjednik biračkog odbora će zadržati lični dokument posmatrača do njegovog odlaska s biračkog mjesta.

(5) Ako primijeti nepravilnosti u radu biračkog odbora, posmatrač može tražiti da se u Zapisnik o radu biračkog odbora unesu obrazložene primjedbe na rad biračkog odbora koje moraju biti potpisane od strane posmatrača.

(6) Ako posmatrač tokom posmatranja ometa izborni proces, predsjednik biračkog odbora će ga prvo opomenuti i unijeti opomenu u zapisnik o radu biračkog odbora, a ukoliko ometanje ne prestane i poslije opomene, udaljiti će ga sa biračkog mjesta, što će također unijeti u Zapisnik.

### **DIO SEDMI- OBJAVLJIVANJE I POTVRĐIVANJE REZULTATA IZBORA**

#### **Član 26.**

(Objavlјivanje izvještaja o rezultatima glasanja)

(1) Nakon završenog brojanja glasova, birački odbor objavlјuje izvještaj o rezultatima glasanja.

(2) Izvještaj o rezultatima glasanja objavlјuje se na oglasnoj tabli mjesne zajednice.

(3) Za članove savjeta izabrani su oni kandidati koji su dobili najveći broj glasova do broja članova savjeta koji se biraju.

(4) Sljedećih deset kandidata s konačne liste kandidata, preko broja koji se bira, čine zamjensku listu kandidata čija se imena i broj dobijenih glasova unose u izvještaj o rezultatima glasanja.

(5) Kandidat s konačne liste s najvećim brojem dobijenih glasova je predsjednik mjesne zajednice.

#### **Član 27.**

(Postupak javnog žrijebanja)

(1) Ukoliko dva ili više kandidata s najvećim brojem glasova s konačne liste kandidata dobiju isti broj glasova, predsjednik mjesne zajednice izabrat će se javnim žrijebanjem.

(2) Javno žrijebanje obavlјa birački odbor na biračkom mjestu odmah po objavlјivanju izvještaja o rezultatima glasanja i to na način da predsjednik biračkog odbora ispisuje na listićima papira imena kandidata s istim najvećim brojem glasova, presavlјa listiće i stavlјa ih u prozirnu posudu, zatim izvlači jedan listić sa imenom kandidata, te naglas (javno) saopćava ime izvučenog kandidata. Ime izvučenog kandidata se upisuje u zapisnik o radu biračkog odbora.

(3) U slučaju da dva ili više kandidata s najmanjim brojem glasova imaju isti broj glasova, a jedan od njih treba ući u savjet mjesne zajednice, član savjeta izabrat će se žrijebanjem na način opisan u stavu (2) ovog člana.

#### **Član 28.**

(Izjava o prihvatanju mandata)

(1) Izabrani kandidati za članove savjeta mjesne zajednice dužni su potpisati izjavu o prihvatanju ili odbijanju mandata u roku od sedam dana od dana održavanja izbora, o čemu se izdaje uvjerenje.

(2) U slučaju odbijanja mandata ili odbijanja potpisivanja izjave o prihvatanju ili odbijanju mandata, mandat se dodjeljuje sljedećem kandidatu sa najvećim brojem glasova.

#### **Član 29.**

(Potvrđivanje rezultata izbora)

(1) Rezultate izbora za članove savjeta mjesne zajednice i predsjednike mjesnih zajednica potvrđuje Općinsko vijeće.

(2) Općinsko vijeće donijet će Odluku o potvrđivanju rezultata izbora za organe mjesnih zajednica ako utvrdi da je na izbore izašla 1/10 birača upisanih u Izvod iz centralnog biračkog spiska za područje mjesne zajednice ili najmanje 50 (pedeset) takvih birača u kojima je 1/10 birača manja od tog broja.

#### **Član 30.**

(Ponovno raspisivanje izbora)

(1) Ako Općinsko vijeće utvrdi da nisu ispunjeni uvjeti za potvrđivanje rezultata izbora iz člana 29. ove Odluke, donijet će Odluku o ponovnom raspisivanju izbora.

(2) Općinsko vijeće donijet će Odluku o ponovnom raspisivanju izbora i u slučaju da ustanovi da je u izbornoj proceduri došlo do nepravilnosti koje mogu utjecati na rezultate glasanja.

### **DIO OSMI- MANDAT ČLANOVA SAVJETA**

#### **Član 31.**

(Trajanje mandata)

(1) Mandat članova savjeta mjesnih zajednica izabranih na redovnim izborima traje četiri godine i teče od dana stupanja na snagu odluke Općinskog vijeća Općine Bužim kojom se potvrđuju rezultati izbora za predsjednike mjesnih zajednica i članove savjeta mjesnih zajednica.

#### **Član 32.**

( Imenovanje novog člana savjeta i predsjednika mjesne zajednice)

(1) U slučaju prestanka mandata članova savjeta mjesne zajednice i predsjednika mjesne zajednice prije isteka vremena na koje su izabrani, za predsjednika mjesne zajednice imenovat će se sljedeći kandidat s najvećim brojem glasova dobijenih u postupku provođenja izbora za članove savjeta mjesnih zajednica, a za člana savjeta mjesne zajednice imenovat će se prvi kandidat sa zamjenske liste.

(2) Odluku o imenovanju novog člana savjeta i predsjednika mjesne zajednice donosi Općinsko vijeće.

### **DIO DEVETI- SREDSTVA ZA ODRŽ AVANJE IZBORA**

#### **Član 33.**

(Sredstva za održavanje izbora)

Sredstva za održavanje izbora za članove savjeta mjesnih zajednica i predsjednike mjesnih zajednica obezbjeđuju se u budžetu Općine Bužim.

#### **Član 34.**

(Korištenje sredstava)

(1) Sredstva za održavanje izbora odnose se na materijalne troškove i sredstva za naknade za rad organa za provođenje izbora.

(2) Sredstva za materijalne troškove su sredstva za osiguranje materijalnih uvjeta za provođenje izbora.

### **DIO DESETI-PRELAZNE I ZAVRŠNE ODREDBE**

#### **Član 35.**

(Primjena Uputstva)

Sva pitanja koja nisu uređena ovom Odlukom, a odnose se na postupak izbora, uredit će se Uputstvom o radu biračkih odbora u postupku izbora članova savjeta i predsjednika mjesnih zajednica .

#### **Član 36.**

(Stručni i administrativno-tehnički poslovi)

Stručne i administrativno-tehničke poslove u vezi sa provođenjem izbora za predsjednike i članove savjeta mjesnih zajednica obavlja Služba za opću upravu i društvene djelatnosti.

#### Član 37.

Danom donošenja ove Odluke prestaje mandat predsjednicima i članovima savjeta mjesnih zajednica kojima je mandat produžen Zaključkom Općinskog vijeća (Službeni glasnik Općine Bužim broj: 11/18).

Zadužuje se Općinski načelnik da stupanjem na snagu ove Odluke imenuje povjerenike savjeta mjesnih zajednica čiji mandat će trajati do okončanja izbornog postupka, odnosno do donošenja Odluke o potvrđivanju rezultata izbora za organe mjesnih zajednica na području općine Bužim.

#### Član 38.

(Stupanje na snagu)

Ova Odluka stupa na snagu danom objavljivanja u Službenom glasniku Općine Bužim.

Broj: 01-04-468/21                      PREDSJEDAVALJUĆI

Bužim, 10.02.2021                      OPĆINSKOG VIJEĆA

**Suvad Šahinović, s.r.**

#### 46.

Na osnovu člana 21. stav 1. tačka č) Zakona o lokalnoj samoupravi Unsko-sanskog kantona („Službeni glasnik USK“, broj: 8/11), člana 5. stav 5. Uredbe o sprovođenju Zakona o dopunskim pravima branilaca i članova njihovih porodica („Službeni glasnik USK“, broj: 11/06) i člana 24. tačka 6. Statuta općine Bužim („Službeni glasnik općine Bužim“, broj: 12/15), na prijedlog Općinskog načelnika, Općinsko vijeće općine Bužim, na III redovnoj sjednici održanoj dana, 10.02.2021. godine, **donosi:**

### O D L U K U

#### **o ukidanju Odluke o utvrđivanju prava na oslobađanje plaćanja naknada za branioce i članove njihovih porodica**

#### Član 1.

Prestaje primjena Odluke o utvrđivanju prava na oslobađanje plaćanja naknada za branioce i članove njihovih porodica („Službeni glasnik općine Bužim“, broj: 3/07), koja se UKIDA.

#### Član 2.

Svi započeti postupci ostvarivanja prava branilaca i članova njihovih porodica utvrđenih Odlukom iz prethodnog člana, dovršit će se u skladu sa tom Odlukom.

Nakon stupanja na snagu ove Odluke, prava branilaca i članova njihovih porodica ostvaruju se u skladu sa Zakonom o izmjenama i dopunama Zakona o dopunskim pravima branilaca i članova njihovih porodica („Službeni glasnik USK“, broj: 24/18) i Upustvom Kantonalnog ministarstva za pitanje boraca i ratnih vojnih invalida USK Bihać, br. 12-05-5616-1/2019 od 17.05.2019. godine („Službeni glasnik USK“, broj: 12/19).

#### Član 3.

Ova odluka stupa na snagu osmog dana od dana objavljivanja u Službenom glasniku općine Bužim.

Broj: 01-04-1930/20                      PREDSJEDAVALJUĆI

Bužim, 10.02.2021                      OPĆINSKOG VIJEĆA

**Suvad Šahinović, s.r.**

#### 47.

Na osnovu člana 13. stav 2. alineja 4. i člana 36. stav 1. tačka a. alineja 9. Zakona o principima lokalne samouprave („Službene novine Federacije BiH,“ broj: 49/06 i 51/09) i člana 24. stav (1.) tačka

(2.) Statuta općine Bužim („Službeni glasnik općine Bužim” broj: 12/15) a u vezi sa članom 39. stav 2., člana 123. i 126. Zakona o zaštiti od požara i vatrogastvu („Službene novine Federacije BiH” broj: 64/09) na prijedlog Općinskog načelnika Općinsko vijeće općine Bužim, na svojoj III redovnoj sjednici održanoj dana 10.02.2021. godine, **donijelo je:**

## **O D L U K U**

### **o utvrđivanju jedinstvenog cjenovnika za obračun i naplatu troškova vatrogasnih usluga i intervencija Vatrogasne jedinice općine Bužim u 2021. godini.**

#### **Član 1.**

Ovom Odlukom utvrđuje se jedinstven cjenovnik za obračun i naplatu troškova vatrogasnih usluga i intervencija Vatrogasne jedinice općine Bužim u 2021. godini..

#### **Član 2.**

Vatrogasna jedinica općine Bužim na cijelom području općine Bužim vrši poslove zaštite od požara i vatrogastva uključujući raščišćavanje i čišćenja mjesta saobraćajnih nezgoda i sve druge srodne poslove za koje je osposobljena i materijalno i tehnički opremljena.

Usluge iz stava 1. ovog člana plaća korisnik usluge.

Prihod po odredbama ove Odluke je prihod općine Bužim a uplaćuje se na depozitni račun budžeta općine Bužim.

Prikupljena sredstva su namjenska i koriste se u svrhu nabavke i održavanja vatrogasne opreme i MTS, stručnog osposobljavanja i obučavanja vatrogasaca i opremanje i uređenje objekata za potrebe vatrogastva.

Utrošak sredstava na prijedlog Službe za civilnu zaštitu i vatrogastvo odobrava Općinski načelnik.

### **I – OBUKA I PROVJERA ZNANJA UPOSLENIKA PRAVNIH LICA IZ PROTIVPOŽARNE ZAŠTITE**

#### **Član 3.**

Obuka i provjera znanja do pet (5) uposlenika pravnih lica po jednom kandidatu iznosi 15,00 KM, a za svakog slijedećeg kandidata plaća se 10,00 KM.

U cijenu iz stava 1. ovog člana uračunata je i izrada zapisnika o obavljenoj obuci i izdavanje uvjerenja o obučenosti za svakog uposlenika.

### **II – KONTROLA ISPRAVNOSTI HIDRANATA SA MJERENJEM PRITISKA U HIDRANTSKOJ MREŽI.**

#### **Član 4.**

Kontrola ispravnosti hidranta sa mjerenjem pritiska hidrantske mreže po jednom hidrantu iznosi 15,00 KM.

U cijeni iz stava 1. ovog člana uključeno je izdavanje zapisnika i protokola ispitivanja.

### **III – OSTALE USLUGE**

#### **Član 5.**

Cjenovnik ostalih usluga i korištenja materijalno tehnički sredstava Vatrogasne jedinice.

1. Radni sat jednog vatrogasca bez korištenja materijalno tehnički sredstava iznosi 20,00 KM.

2. Radni sat autocisterne sa posadom koju čini dva izvršioca sa ili bez upotrebe vatrogasne pumpe na lokaciji mjesta rada na udaljenosti do 10. km od sjedišta Vatrogasne jedinice iznosi 100,00 KM.

Za svaki daljnji početni kilometar lokacije mjesta vršenja usluge cijena se uvećava za 2,5KM.

Udaljenost se računa u jednom smjeru do mjesta vršenja usluge.

3. Vatrogasno obezbjeđenje (pripravnost) po jednom vozilu sa posadom od dva poslužioaca, po jednom punom radnom satu plaća se 40,00 KM a za svaki započeti sat koji prelazi 30. minuta od jednog punog sata naplaćuje se cijena jednog sata.

Vatrogasno obezbjeđenje koje traje duže od pet sati odobrava se popust u iznosu od 25 % na ukupni iznos cijene vatrogasnog dežurstva.

Za usluge iz tačke 2. i 3. ovog člana podrazumjeva se računanje vremena od startanja vatrogasnog vozila iz sjedišta Vatrogasne jedinice do povratka u službene prostorije Vatrogasne jedinice a ne mogu se obračunati manje od jednog sata.

4. Rad prenosne pumpe na ispuštanju vode uz rukovanje jednog vatrogasca za svaki radni sat plaća se 20,00 KM. a za svaki naredni započeti radni sat koji prelazi 30. minuta od jednog punog sata naplaćuje se cijena jednog punog sata s tim da se ne može obračunati manje od jednog radnog sata.

5. Usluge čišćenje mjesta saobraćajne nezgode od odbačenih razbijenih dijelova vozila i masnih mrlja od maziva i drugih masnih tvari (ulja i goriva) koji ugrožavaju sigurnost odvijanja saobraćaja naplaćuje se po jednom satu 100,00 KM.

Hemijska sredstva utrošena u toku intervencije naplaćuju se po nabavnoj cijeni dobavljača. Poslove čišćenja vrše dva izvršioca.

Svaki radni sat dodatno angažovanih vatrogasaca obračunava se po cijeni od 20,00 KM za svakog pojedinačno angažovanog vatrogasca.

Radno vrijeme se obračunava od momenta startanja vozila iz garaže, uključujući vrijeme intervencije do povratka vozila na polazno mjesto s tim da se vrijeme intervencije ne može obračunati manje od jednog sata.

6. Iznajmljivanje uređaja za isušivanje vlage naplaćuje se po danu 15,00 KM.

7. Iznajmljivanje prenosne motorne pumpe za ispuštanje vode naplaćuje se po danu 20,00 KM. U cijenu nije uračunato pogonsko gorivo koje obezbjeđuje korisnik.

Mjesto preuzimanja opreme iz tačke 6. i 7. je u vatrogasnoj garaži.

#### **Član 6.**

Usluge iz člana 5. ove Odluke Vatrogasna jedinica vrši samo na pismeni zahtjev naručioca usluge ili na drugi obostrano ugovoreni način osim

intervencija gašenja požara ili spašavanja ljudi i materijalnih dobara.

U obračun usluga Vatrogasne jedinice naplaćuju se i svi drugi troškovi koji nastanu u vezi naplate izvršene usluge (troškovi prikupljanja potrebne dokumentacije kod drugih nadležnih organa i drugi troškovi koji nastanu u vezi predmetne usluge).

#### **Član 7.**

Ne naplaćuju se usluge i troškovi Vatrogasne jedinice iz ove Odluke koji nastanu po zahtjevu organizatora a u svrhu obilježavanja značajnih datuma proglašenih Odlukama Općinskog vijeća općine Bužim.

#### **Član 8.**

Usluge i korištenje materijalno tehnički sredstava iz člana 5. ove Odluke ne naplaćuju se za vrijeme proglašenog stanja prirodne i druge nesreće na području općine Bužim ako se koriste u svrhu spašavanja ljudi i materijalnih dobara.

Od oslobođanja plaćanja usluga iz stava 1. ovog člana izuzimaju se usluge iz tačke 3. i 5.

### **IV – NAČIN OBRAČUNA I NAPLATE USLUGA**

#### **Član 9.**

Usluge iz poglavlja I i II plaćaju se na osnovu predračuna koji izdaje Služba za budžet i finansije.

Obračun i ispostavljanje računa za izvršene usluge iz poglavlja III vrši Služba za budžet i finansije na osnovu radnog naloga.

Radni nalog za izvršene usluge popunjava i dostavlja Služba za civilnu zaštitu i vatrogastvo.

Izgled, sadržaj, broj primjeraka i način izdavanja računa, otpremnica i ostale dokumentacije a vazane za usluge iz ove Odluke utvrđuje Općinski načelnik putem Službe za budžet i trezor i Službe za civilnu zaštitu i vatrogastvo.

#### **Član 10.**

Nakon isteka kalendarske godine prikupljena i ne

utrošena sredstva po osnovu ove Odluke prenose se u slijedeću budžetsku godinu.

## VI - ZAVRŠNE ODREDBE

### Član 11.

Ne može se zaključiti Ugovor ili izvršiti obračun vatrogasni usluga i korištenja materijalno tehnički sredstava sa manjim cijenama utvrđenih ovom Odlukom.

### Član 12.

Ova Odluka objaviće se u Službenom glasniku općine Bužim a primjenjuje se do 31.12.2021. godine.

Broj: 01-40-144/21                      PREDSJEDAVAJUĆI  
Bužim, 10.02.2021                      OPĆINSKOG VIJEĆA  
**Suvad Šahinović, s.r.**

-----

## 48.

Na osnovu člana 24. tačka 19., a u vezi sa članom 107. Statuta općine Bužim («Službeni glasnik općine Bužim», broj: 12/15), te člana 128. Poslovnika Općinskog vijeća općine Bužim («Službeni glasnik općine Bužim», broj: 3/16), Općinsko vijeće općine Bužim, na drugoj (III) redovnoj sjednici, održanoj dana 10.02.2021. godine, **donosi:**

## ZAKLJUČAK

### o utvrđivanju nacrtu Odluke o organizaciji i djelokrugu rada općinskog organa uprave općine Bužim

#### I

Utvrđuje se nacrt Odluke o organizaciji i djelokrugu rada općinskog organa uprave općine Bužim i upućuje na javnu raspravu.

#### II

Javna rasprava o nacrtu iz prethodne tačke ovog Zaključka će trajati 10 dana, u kojem vremenu se mogu dostavljati pismene primjedbe, prijedlozi i sugestije.

#### III

Rasprava će se sprovesti na nivou: Radnih tijela Općinskog vijeća (Komisije za statut i propise, komisije za budžet i finansije, Općinskog načelnika i službi općinske uprave općine Bužim, te zainteresovanih građana

Završna javna rasprava održat će se 24.02.2021. godine u Sali općine Bužim.

#### IV

Sumiranje rezultata rasprave izvršit će Općinski načelnik, putem Službe za opću upravu i društvene djelatnosti, te dostaviti prijedlog Odluke Općinskom vijeću na razmatranje i usvajanje.

#### V

Zaključak stupa na snagu danom donošenja, i isti će se objaviti u Službenom glasniku općine Bužim i na oglasnoj tabli općine.

Broj: 01-02-506/21                      PREDSJEDAVAJUĆI  
Bužim, 10.02.2021                      OPĆINSKOG VIJEĆA  
**Suvad Šahinović, s.r.**

-----

## 49.

Na osnovu člana 47. stav 1. Zakona o komunalnoj djelatnosti ("Sl.glasnik US Kantona", broj: 4/11,11/11, 6/12 i 13/12), člana 7. i 11. Odluke o komunalnoj naknadi ("Sl.glasnik općine Bužim, broj: 6/12 i 2/14 ) i člana 38. stav 1. tačka 17. Statuta općine Bužim ("Sl.glasnik općine Bužim", broj: 12/15), Općinsko vijeće općine Bužim na

drugoj (II) redovnoj sjednici održanoj dana 21.01.2021. godine, **donijelo je :**

**ODLUKU  
o utvrđivanju vrijednosti boda za  
komunalnu naknadu**

**Član 1.**

Ovom odlukom utvrđuje se vrijednost boda (VB) za obračun komunalne naknade za 2021. godinu u iznosu od:

- za objekte iz člana 7. stav 2. Odluke o komunalnim naknadama vrijednost boda iznosi 0,020 KM/m<sup>2</sup>,
- poslovni prostor u upotrebi ostalih pravnih lica 0,015 KM/m<sup>2</sup>,
- poslovni prostor iznajmljen od strane vlasnika pravnom subjektu 0,015 KM/m<sup>2</sup> i
- stambeni prostor 0,007 KM/m<sup>2</sup>.

**Član 2.**

Obračun i naplatu komunalne naknade iz člana 1. ove odluke vršiti će Služba za prostorno uređenje, geodetske i imovinsko-pravne poslove i Služba za budžet i finansije.

**Član 3.**

Uplata sredstava komunalne naknade vršiti će se na depozitni račun javnih prihoda općine Bužim u svrhu realizacije Programa održavanja i modernizacije komunalnih objekata i uređaja zajedničke komunalne potrošnje.

**Član 4.**

Stupanjem na snagu ove odluke prestaje da važi Odluka o utvrđivanju boda za komunalnu naknadu ("Sl.glasnik općine Bužim", broj: 6/19).

**Član 5.**

Ova odluka stupa na snagu osmog dana od dana objavljivanja u Službenom glasniku općine Bužim.

Broj: 01-19-2860/20

Bužim, 21.01.2021

PREDSJEDAJUĆI

OPĆINSKOG VIJEĆA

Suvad Šahinović, s.r.

**50.**

Na osnovu člana 2.12 stav 5. Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i člana 7. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 29/18 i 36/19), te člana 24. Statuta općine Bužim („Službeni glasnik općine Bužim“, broj:12/15), Općinsko vijeće općine Bužim na III redovnoj sjednici održanoj 10.02.2021. godine, **usvojilo je:**

**ODLUKU**

**o objavljivanju javnog oglasa za  
imenovanje člana-predsjednika Općinske  
izborne komisije Bužim**

**Član 1.**

(1) Donosi se Odluka o objavljivanju javnog oglasa za imenovanje člana-predsjednika Općinske izborne komisije Bužim.

(2) Sastavni dio ove Odluke je tekst javnog oglasa za imenovanje član-predsjednika Općinske izborne komisije Bužim.

**Član 2.**

Postupak po objavljenom Javnom oglasu provodit će konkursna Komisija koju imenuje Općinsko vijeće u skladu sa odredbama Izbornog zakona Bosne i Hercegovine i Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.



### Član 3.

Konkursna Komisija u svom radu dužna je pridržavati se odredaba Izbornog zakona Bosne i Hercegovine uz dosljednu primjenu odredaba člana 2.14 stav (1) koje se odnose na multietični sastav Općinske izborne komisije odnosno ravnopravnu zastupljenost spolova.

### Član 4.

Kandidati za člana-predsjednika Općinske izborne komisije Bužim pored općih uvjeta iz člana 2.2 stav (1) i (2) Izbornog zakona Bosne i Hercegovine mora ispunjavati i posebne uvjete propisane članom 2. i 3. Uputstva iz člana 2. ove Odluke.

### Član 5.

Zadužuje se konkursna Komisija da, prije zaključivanja javnog oglasa, utvrdi kriterije i pravila za ocjenjivanje kandidata koji će pristupiti intervjuu.

### Član 6.

Javni oglas iz člana 1. ove Odluke objavit će se najmanje u jednom od dnevnih listova koji izlaze na području Bosne i Hercegovine i na web stranici Općine Bužim.

### Član 7.

Ova Odluka stupa na snagu sljedećeg dana od dana objavljivanja u Službenom glasniku Općine Bužim.

Broj: 01-04-473/21                      PREDSEDavajući  
Bužim, 10.02.2021                      OPĆINSKOG VIJEĆA  
**Suvad Šahinović, s.r.**

-----  
**OPĆINSKI NAČELNIK**

**51.**

Na osnovu odredbe člana 38. stav 1. tačka 6. i odredbe člana 123. Statuta općine Bužim

("Službeni glasnik općine Bužim", broj: 12/15 ), te člana 1. i 2. Odluke o privremenom finansiranju Općine Bužim za period januar-mart 2021 godine broj: 01-11-2996/20 od 21.01.2021 godine , a na zahtjev Udruženja 505 Viteška bužimska Bužim, broj: 02/21 od 04.02.2021., Općinski načelnik općine Bužim, **donosi:**

## **Z A K L J U Č A K** **o isplati novčanih sredstava iz Budžeta** **općine Bužim**

### I

Odobrava se isplata novčanih sredstava iz Budžeta općine Bužim za 2021.godinu Udruženju 505 Viteška bužimska Bužim u iznosu od 4.000,00 KM na ime sufinansiranja rada Udruženja i realizaciju planiranih aktivnosti u prvom kvartalu tekuće godine a shodno članu 1. i 2. Odluke o privremenom finansiranju općine Bužim za period januar –mart 2021 i ista će teretiti ekonomski kod 614311- grant neprofitnim org. Udruženjima boračkih organizacija u službi za opću upravu i društvene djelatnosti.

### II

Novčana sredstva iz prethodnog stava će se isplatiti iz Budžeta općine Bužim na račun Udruženja 505 Viteška bužimska Bužim na broj: 198 401 105 0006 068, otvoren kod KIB banke, Filijala Bužim.

### III

Udruženje 505 Viteška bužimska Bužim je obvezna po utrošku sredstava dostaviti finansijski i opisni izvještaj o utrošku namjenskih sredstava najkasnije do 31.03.2021 godine.

### IV

O sprovođenju ovog Zaključka starat će se Općinski načelnik putem nadležnih službi.

### V

Zaključak stupa na snagu danom donošenja i isti objavit u Službenom glasniku općine Bužim.

Broj: 02-11-500-1/21

Bužim, 11.02.2021 OPĆINSKI NAČELNIK

**Mersudin Nanić dipl. ing. inf, s.r.**

-----

**52.**

Na osnovu člana 14. Odluke o javnim Općinskim priznanjima („Službeni glasnik općine Bužim“, broj : 11/08 i 15/09), člana 123. Statuta općine Bužim („Službeni glasnik općine Bužim“, broj : 12/15 ), Općinski načelnik općine Bužim, **je donio :**

**ZAKLJUČAK**  
**o dodjeli općinskog javnog priznanja –**  
**Zahvalnica**

**I**

Općinski načelnik općine Bužim, dodjeljuje Općinsko javno priznanje – Zahvalnica, učenicima generacije za šk.2019/20 godinu , i to :

1. Sara Cinac, učenik generacije MSŠ „Bužim“ za školsku 2019/2020 godinu, IV stepen
2. Amel Duranović, učenik generacije MSŠ za školsku 2019/20 godinu III stepen
3. Ilhan Elkasović, učenik generacije OŠ „ Bužim“, za školsku 2019/2020 godinu,
4. Lejla Pajalić, učenik generacije OŠ „Suljo Mirvić Konjodor“ za školsku 2019/2020 godinu,
5. Sara Emrić, učenik generacije OŠ „ Mirsad Salkić“, Čava za školsku 2019./2020 godinu,

**II**

Zahvalnica učenicima iz tačke I. ovoga Zaključka, dodjelit će se u vidu diplome, dimenzija 40x30 cm, na kojoj je otisnut grb općine Bužim u zlatnoj boji, sa ispisanim imenom odnosno nazivom subjekta i razlogom radi kojeg se ista dodjeljuje.

**III**

Dodjela Zahvalnica navedenim licima izvršit će se 20. februara 2021 godine, u okviru manifestacije obilježavanja – Dana općine Bužim.

**IV**

O izvršenoj dodjeli općinskog javnog priznanja Općinski načelnik općine Bužim, izvjestit će Općinsko vijeće.

**V**

Zaključak stupa na snagu danom donošenja i isti će se objaviti u Službenom glasniku općine Bužim.

Broj: 02-04-488/21

Bužim, 04.02.2021 OPĆINSKI NAČELNIK

**Mersudin Nanić dipl. ing. inf, s.r.**

-----

**53.**

Na osnovu odredbe člana 38. stav 1. tačka 6. i odredbe člana 123. Statuta općine Bužim ( "Službeni glasnik općine Bužim", broj: 12/15 ), te člana 1. i 2. Odluke o privremenom finansiranju Općine Bužim za period januar-mart 2021 godine broj: 01-11-2996/20 od 21.01.2021 godine , a na zahtjev Sportskog saveza općine Bužim, broj: 01-01/2021 od 25.01.2020., Općinski načelnik općine Bužim, **donosi:**

**ZAKLJUČAK**  
**o isplati novčanih sredstava iz Budžeta**  
**općine Bužim**

**I**

Odobrava se isplata novčanih sredstava iz Budžeta općine Bužim za 2021 godinu Sportskom savezu općine Bužim u iznosu od 6.000,00 KM na ime finansiranja sportskog saveza za finansiranje članica sportskog saveza ,a shodno članu 1. i 2.

Odluke o privremenom finansiranju općine Bužim za period januar-mart 2021 godine i ista će teretiti ekonomski kod 614122-pozicija transfer za sport u Službi za opću upravu i društvene djelatnosti.

## II

Novčana sredstva iz prethodnog stava će se isplatiti iz Budžeta općine Bužim na račun Sportskog saveza općine Bužim na broj: 198 401 105 0000 151, otvoren kod KIB banke, Filijala Bužim.

## III

Sportski savez općine Bužim je obvezan po utrošku sredstava dostaviti finansijski i opisni izvještaj o utrošku namjenskih sredstava najkasnije do 31.03.2021 godine.

## IV

O sprovođenju ovog Zaključka starat će se Općinski načelnik putem nadležnih službi.

## V

Zaključak stupa na snagu danom donošenja i isti objavit u Službenom glasniku općine Bužim.

Broj: 02-11-344-1/21

Bužim, 11.02.2021      OPĆINSKI NAČELNIK

**Mersudin Nanić dipl. ing. inf, s.r.**

-----

## S A D R Ž A J

### OPĆINSKO VIJEĆE

43. ODLUKA o utvrđivanju bazne cijene kao osnovice za obračun naknade za uređenje građevinskog zemljišta za 2021. godinu na područje općine Bužim..... 1
44. ODLUKA o dodjeli javnih općinskih priznanja ... 2
45. ODLUKA o aspisivanju izbora za članove savjeta mjesnih zajednica i predsjednike mjesnih zajednica ..... 5
46. ODLUKA o ukidanju Odluke o utvrđivanju prava na oslobađanje plaćanja naknada za braniocima i članove njihovih porodica.....12
47. ODLUKA o utvrđivanju jedinstvenog cjenovnika za obračun i naplatu troškova vatrogasnih usluga i intervencija Vatrogasne jedinice općine Bužim u 2021. godini. ....13
48. ZAKLJUČAK o utvrđivanju nacrtu Odluke o organizaciji i djelokrugu rada općinskog organa uprave općine Bužim.....15
49. ODLUKA o utvrđivanju vrijednosti boda za komunalnu naknadu..... 16
50. ODLUKA o objavljivanju javnog oglasa za imenovanje člana-predsjednika Općinske izborne komisije Bužim ..... 16

### OPĆINSKI NAČELNIK

51. ZAKLJUČAK o isplati novčanih sredstava iz Budžeta općine Bužim, broj 02-11-500-1/21.....17
52. ZAKLJUČAK o dodjeli općinskog javnog priznanja – Zahvalnica.....18
53. ZAKLJUČAK o isplati novčanih sredstava iz Budžeta općine Bužim, broj 02-11-344-1/21.....18